

fascio ♥. Celara aŭ fibreca membrano, tre maldika k kiu surkovras kelkajn viscerajn membranojn.

fasciolo ♀. G. de parazitaj bestetoj, kiu vivas en la hepato (*fasciola*).

fascino Z. Fasko el branĉetoj por fari barojn, ŝtopplenigi fosaĵojn ktp, precipe uzata en militarto. Kp GABIO.

* **Fasko**. 1 Aro da kunigitaj samspecaj longformaj objektoj : ~o da rafanetoj Z, branĉoj, floroj, pajlo, haroj, ŝlosiloj, pafiloj, muskolfibro; ornama plum~o. 2 Ligajo da vergetoj ĉirkaŭ hakilo, kiu estis emblemo de la publika povo, ĉe antikva Romo. 3 Aro da lumaj radioj devenantaj el sama lumfonto : luma ~o. 4 (f) Kuniĝo k unuigo : kuniĝi en ~on ĉiujn disigitajn fortojn. Kp GARBO, KVAŝTO, TUFO, PENIKO.

* **Fasono**. 1 Formo, maniero, laŭ kiu estas farita vesto : eleganta, laŭmoda ~o de robo. Kp MODO. 2 Laboro, per kiu oni donas formon al vesto : mi pagis tricent frankojn por la ŝtofo, k kvarcent por la ~o. Kp KONFEKCIO. ~1 (tr). Doni ~on al vesto : bele, krude ~ita mantelo (Kp TAJLORI, ALTRANĈI).

* **Fasti** (ntr). 1 Ne manĝi, sin deteni de manĝado. 2 (R) Sin deteni de viando aŭ de iuj nutraĵoj pro pieco. ~o. 1 Ago ~i : post festo venas ~o Z (malfeliĉo sekvas feliĉon); por riĉulo ~o, por malriĉulo festo Z. 2 Tempo de la ~o : la granda ~o Z (~o antaŭ la Pasko).

faŝismo. 1 Itala politika movado celanta la organizadon de la ŝtato sub severa disciplino laŭ korporacia grupigo de la produktistoj por plipotencigo de la nacio. 2 (Mh) Itala politika sistemo iniciatita de Mussolini por per diktatoreco disbati k detruai la socialistan k komunistan tendencojn, kiuj dangerigis la kapitalistan reĝimon en la lando post la fino de 1' mondmilito.

faŝisto. Adepto de faŝismo.

fato Z = fatalo.

Fatala. 1 Neevitebla, nepre okazonta : la ~aj dekretoj de l'sorto. 2 Tre malfeliĉiga, malbonŝanca, kaŭzanta pereon, ruinigon : ŝi portis tiun ~an ringon ; ~a pasio. ~o. Antaŭfiksita, neevitebla superaga leĝo de la okazantaĵoj : super ni regas neŝangebla ~o Z ; tiel ordonis la ~o ;

la ~o destinis al li ĉiajn mizerojn ; persekutita de la ~o. RIM. : Oni uzas la vorton **fatalo** prefere pri malbona ŝanco. Kp SORTO, DESTINO, FATO, FORTUNO. ~ajo. Malfeliĉajo, malbonŝanco. Kp KATASTROFO, PLAGO. ~ismo ♀. Doktrino, laŭ kiu ĉio estas neeviteble antaŭfiksita malgraŭ ĉiu ajn kontraŭstaro de la homa volo : ~isme rezignacii (Kp DETERMINISMO, ANTAŬDESTINISMO).

fatamorgano Z = miraĝo.

* **Faŭko**. 1 Buŝejo de sovaĝaj rabaj bestoj : ~o de tigro, serpento Z. 2 (f) Larga malluma aŭ timiga aperturo : ~o de kaverno, minejo, tunelo, fornejo, kanono ; la intermonto larĝe malfermis sian ~on B. (Kp FENDEGO). 3 Aperturo de vazo : ~o de glaso, de botelo. 4 (f) Abismo, senfundaĵo : ~o de la morto Z, de la ondegoj. ~1 (ntr). Esti larĝe malfermita : ĉirkaŭe ~is profundaj fendegoj Z, abismoj.

faŭno Z. 1 ☉ Kaptopieda kampara diaĵo. 2 La bestaro de iu regiono, terspaco, epoko.

* **Favo**. Kaphaŭta malsano, kaŭzata de parazito k karakterizata per krustoj. Kp SKABIO, PLIKO. ~a. 1 De ~o : ~aj krustoj. 2 Malsana pro ~o : unu ~a ŝafo tulan ŝafaron infektas Z. ~ulo. 1 Malsanulo pro ~o. 2 (f) Fihomo.

* **Favora**. 1 (iu) Bonvola, helpopreta, indulga (ofte pro aparta arbitra prefero) : estro ~a al (por) siaj subuloj. Kp KOMPLEZA. 2 (io) Helpotaŭga, faciliga, sukcesiga : ~a vento, vetero, cirkonstanco ; ~a argumento (Vd PLEDI) ; tiu grundo estas ~a por greno. ~o. 1 Bonvola, ~a inklino (ofte pro aparta arbitra prefero) : aliri la ~on de iu ; trovi ~on ĉe iu Z. 2 ~a ago, helpo ; ~ajo : superŝuti iun per ~oj ; peti ~on ; suferi mal~on (Kp KOMPLEZO, PROTEKTO, PATRONADO, INTERESO). ~1 (x). 1 Esti ~a al : ~i iun, al iu ; ~i ian entreprenon, al entrepreno ; kiun ~as la sorto, por tiu eĉ koko estas ovoporta Z ; la dioj ~is vin per granda virto B ; ni estis ~itaj per bela vetero (Kp AKCELI. Vd RIDI, KARESI, BENI). 2 Esti prefere ~a al : ~i siajn amikojn, al siaj amikoj. ~ato. Tiu, kiu ĝuas apartan ~on. ~igl. Igi ~a : rekomendi ~igon al la disvastigo de humanismo. ~koreco, kor~o. 1 Bonvola bonkora sento al iu. 2 (Rk). Graco.